

Saitualah DISTRICT CO-OPERATIVE DEVELOPMENT COMMITTEE(DCDC) thu khawm

Saitual, the 18th October, 2024: Vawiin chawhma dar 11 am khan DC Conference room, Saitualah District Bawrhsap Dr. Lalngura Tlau kaihhruainain District Cooperative Development Committee (DCDC) chu an thukhawm.

Meeting hi Dr. Lalngura Tlau chuan kalkhawmte hnenah lawmthu a sawi a, DCDC member te chu inhawng taka an ngaihdante sawi turin a sawm a ni.

Vawiin meeting ah hian DCDC Member Secretary, Pu SK Das chuan Primary Agriculture Credit Societies (PACS) sawifiahin loneitu loan chhete mamawh, bank account neih loh avanga loan la thei lote tan tangkai tur thu sawiin Bank atanga loan lak aiin nasa takin a awlsam dawn a ni, a ti. Apex Bank nen an inthlunzawm avangin loneitute tan awlsam takin PACS ah loan an la thei dawn a ni, a ti.

Thutkhawmah hian PACS computerize chungchangte sawi niin tun dinhmunah hian Saitual District-ah Khanpui Multipurpose Cooperative Society Ltd chuan ERP (Enterprise Resource Planning) trial run a zo tawh a, Teikhang Farming Cooperative Society Ltd chu Go Live stage a awm mek a ni. MPACS dang zawng zawngte chu computerize vek turin committee chuan hma lak rel.

Sawrkar laipui chuan Ministry of Cooperation kaltlangin India ram chhunga PACS zawng zawng te tan common bye-laws a siam a, hei hi June ni 1, 2023 atanga hman tan a ni a, khaw tual tawng (local language)-a leh niin tun dinhmunah Mizoramah hian print mek a ni a, M-PACS zawng zawnga sem darh tur a ni. Saitual District ah hian M-PACS pa 3-in he bye-law thar hi an zawm tawh a, District chhunga PACS-a in ziaklut thar zawng zawngte chuan he bye-laws te hi an zawm tur a ni.

Ministry of Cooperation chuan thlatin M-PACS, Dairy/ Fishery societie pa-5 thlatin din thar tura duan ni mah se, Saitual district-ah chuan mihring an la tlem a vang leh commercial bank te a tam tawh loh avangin tihpuitlin theih a ni rih dawn lo a. PDC leh Bank manager, MCAB te tangkawpin PACS a inziaklut tura awareness campaign a tam thei ang ber neih Committee chuan a rel a ni

Pradhan Mantri Kisan Samridhi Kendras (PMKSK), hnuai lo nei mite tana dawr "One Stop Shop" chu Saituala M-PACS pa 3 te chuan neih ve duhna an thehlut a, Department of Agriculture kaltlangin license pawh dil mek a ni. Primary Cooperative Societies-te chu National Cooperative Database (NCD) portal-a tarlan thin a ni.

Vawiin hian District Cooperative Development Committee (DCDC) hnuai sub committee- Joint Working Committee thurel hmasak sawiho a, pawm tlan a ni.

Vawiin thutkhawmah hian District Bawrhsap Dr. Lalngura Tlau, Pu SK Das, District Cooperative Society Officer, Pi H. Lalhmachhuani, DDM, NABARD, Pu H. Lalhmangaihzuala, Bank Manager, MCAB bakah line department te an tel a ni.

